revista o m n i b u 5

4 Política

As côres da multitude

Raimundo Viejo Viñas

Em tempos da Modernidade as côres jogarom um papel simbólico fundamental na política da emancipaçom. Hoje, cómpre repensar o papel das mesmas, tanto mais por quanto que a diário estamos a observar como os jogos cromáticos devenhem umha clave fundamental do discurso. Na reflexom deste artigo, aborda-se a importância deste fenómeno político à vez que se procura adiantar umha reflexom a cada mais decissiva para o nosso futuro político: a necessidade de reconhecer a autonomia, convivência e multiplicidade de eijos emancipatórios que nos revelam as côres do caleidoscópio da multitude. Temos que saber pensar em verde sem danar o vermelho, nem o celeste, nem o branco, nem qualesquera outra côr; mas, de igual jeito, nas nossas circunstáncias actuais precisamos urgentemente de reconhecer a hegemonia discursiva de esse mesmo verde da ecologia política. Toda outra opçom levara-nos a cometer os mesmos erros de sempre.

Desde há moito tempo, tanto que quase nom lembramos quando, as côres se convertirom numha ferramenta fundamental da retórica política. Os imaginários mais variados botarom mao das metáforas cromáticas para fazer possível a interacçom simbólica que informa toda luita política. A apropriaçom colectiva das côres políticas convertiu-se assi num elemento estratégico decissivo para o éxito final dos processos revolucionários que fixerom progressar ao Género Humano en cada etapa histórica.

O vermelho, por exemplo, foi nas suas origes umha côr baixo hegemonia clerical (ainda hoje há bandeiras vermelhas que ondeam com esta significaçom sobre o ceo compostelano). Mas ainda em tempos antiguos, quando a teocracia ainda regia boa parte do mundo, estouparom contradiçons e luitas entre os poderosos e a multitude na que ésta desafiou à hegemonia cromática dos primeiros. Aconteceu assi que, já na Itália renacentista, o feito de sacudir guardanapos vermelhos polas janelas namentres pola rua passavam corruptos cardenais senhores daquel tempo, serviu para unir simbolicamente a quem tinha que padecer a opressom e abusos destes mesmos.

O vermelho cambiou de bando e para quando chegou o século XIX, era já umha côr identificada coa loita pola emancipaçom do movimento mais importante do seu tempo: o movimento obreiro. E embora a barbárie autocrática stalinista e hitleriana tentou as mais espúrias manipulaçons sobre os símbolos incólumes do proletariado (o vermelho foi côr fundamental das simbologias nazi e estalinista), ficou esta côr como herdo para a luita que se abre na contradiçom entre capital e trabalho. Por isso hoje todavía pode o precariado ondear com orgulho e dignidade o vermelho anti–capitalista.

Mas o vermelho ou o celeste nom som as únicas côres da multitude. Junto a el achamos violetas feministas, rosas e arco-da-velhas gays e lesbianos, brancos cívicos e pacifistas, negros libertários e assi até completar a constelaçom cromática da emancipaçom multitudinária.

Asemade, na Galiza, desde os primeiros momentos fundacionais da nossa mitologia nacional houvo côres chamadas a contribuir à construçom simbólica da nossa identidade colectiva. Brancos e azuis celestes forom chamados a ocupar um lugar privilegiado, mas também escoitamos loubar às nossas costas verdescentes. Já entom o verde demarcava, quase de jeito "natural", um dos nossos limes constituintes como Naçom. Na era do Estado nacional (que foi tempo do fracaso de um imperialismo espanhol de vermelhos e gualdas monárquicos, de grises e verdes policiais e militares, de negros de águias e sotanas ou de azúis fascistas), a luita da Galiza pensou-se também num verde territorial. O movimento galeguista introduciu asi o verde na sua gama cromática nacional.

Porém, a incorporaçom do verde nom sempre foi harmoniosa e, chegado o tempo, mesmo rematou por mudar em cercenamento da emergência de umha matriz ideológica ecologista autónoma. E assi, na clave ideosistémica de interpretaçom territorialista intrínseca ao próprio Estado nacional, o industrialismo non achou eiva algumha à hora de despraçar ao ecologismo: Galiza concibida como território verde diluia-se nas côres ferrugentas da demanda de fábricas que a sacasem do atraso. Nom falhou entom quem sonhou umha Galiza chea de fumes grises. Mais umha vez, a multitude tomou a palavra às burocracias daquel gris arquivador de outro tempo: encoros, verquidos radiactivos e de todo tipo, fumes e quantas agressons perpetradas no nome do progresso industrial acharom a resistência das multitudes que se manifestarom como se estam a manifestar. Hoje em dia, nestes tempos de mundializaçom e constituiçom do Império, já nom é o verde territorial, mas o verde da vida ameaçada, o que está chamado a contribuír à luita

das multitudes pola emancipaçom. Galiza, naçom constituinte deve incorporar fazer seu verde junto às outras côres das multitudes, deve permitir o seu pleno desenvolvimento sem por isso supeditar o contrapoder emancipatório de outras côres (nomeadamente o vermelho e o celeste). Hoje mais que nunca, o verde configura-nos como umha espécie igual entre as espécies, como auténtico Género Humano, a história natural da qual escreveremos na derrota do capitalismo neoliberal.



Non hai opinións

a túa opinión

© www.revistaomnibus.com